

Հ Ա Շ Վ Ե Տ Վ ՈՒ Թ Յ ՈՒ Ն

Մարզպետարանի աշխատակազմի քաղաքաշինության վարչության 2017 թվականի առաջին կիսամյակում կատարված աշխատանքների մասին

Քաղաքաշինություն

2018-2020 թթ. միջնաժամկետ ծախսային ծրագրերի հետ կապված քննարկումներ են անցկացվել և կատարվել է համապատասխան ճշտումներ ՀՀ քաղաքաշինության և ՀՀ էներգետիկայի ու բնական պաշարների նախարարությունների հետ:

2017-2019 թթ. քաղաքաշինության բնագավառում քառամյա զարգացման ծրագրի հաստատման հետ կապված աշխատանքներ են տարվել մարզպետարանի աշխատակազմի զարգացման ծրագրերի և վերլուծությունների բաժնի ինչպես նաև ՀՀ տարածքային կառավարման և արտակարգ իրավիճակների նախարարության համապատասխան վարչությունների հետ:

Աշխատանքներ են տարվել ՀՀ պետական բյուջեով իրականացվող վարկային և դրամաշնորհային ծրագրերով իրականացվող օբյեկտների ընտրության, փաստաթղթերի հավաքագրման, համայնք-կազմակերպություն համագործակցության գործում:

1. Հրատապ ծրագրով ՀՀ կառավարության 16.02.2017թ. N 153-ն որոշմամբ Վայոց ձորի մարզպետարանին հատկացվել է 320.0 մլն. դրամ, որը բաշխվել է թվով 29 օբյեկտների վրա: Կայացել են մրցույթները և հայտնի են շինարարական, հեղինակային և տեխնիկական հսկողություն իրականացնող կազմակերպությունները: Գործընթացը գտնվում է պայմանագրերի կնքման փուլում: Աշխատանքները կսկսվեն օգոստոսի սկզբին:

2. Գյուղական տարածքների տնտեսական զարգացման ԾԻԳ պետական հիմնարկի միջոցներով իրականացվել է՝

Վայք համայնքի Ազատեկ բնակավայրի խմելու ջրագծի արտաքին և ներքին ցանցերի վերանորոգումը – 341.6 մլն. դրամ:

2016թ. ընթացքում կատարվել է 187.5 մլն. դրամի շին. մոնտաժային

աշխատանքներ, իսկ 2017թ. 55.0 մլն. դրամի: Աշխատանքները ավարտված են:

3. «Հաբիթաթ Ֆոր Հյուսնիթի Արմենիա» հիմնադրամի և Եվրամիության միջև 2014թ. դեկտեմբերի 18-ին կնքվել է դրամաշնորհային պայմանագիր: Ծրագիրը նախատեսում է 4 տարում Վայք համայնքում վերանորոգել թվով 12 բազմաբնակարան շենքերի տանիքներ, փոխել մուտքի պատուհանները, ջերմամեկուսացնել մուտքի դռները տեղադրել արևային լուսատուներ մուտքերում և շենքերի ճակատային մասերում:

2017թ. առաջին կիսամյակում ավարտվել է 5 շենքերի վերանորոգման աշխատանքները, որի արժեքը կազմում է 90.0 մլն. դրամ:

4. Վերջին Օրերի Սրբեր Բարեգործական կորպորացիայի միջոցներով իրականացվում է Գողթանիկ, Աղնջաձոր, Խաչիկ և Հորս համայնքների խմելու ջրագծերի ներքին և արտաքին ցանցերի վերանորոգման աշխատանքներ, որի ընդհանուր արժեքը կազմում է 24.53 մլն. դրամ:

5. Համայնքային բյուջեով 2017թ. առաջին կիսամյակում իրականացվել է 98.5 մլն. դրամի շինարարական աշխատանքներ (խմելու ջրագծեր, ճանապարհաշինություն, փողոցային լուսավորություն, խաղահրապարակի կառուցում և այլն):

6. «Վայրի բնության և մշակութային արժեքների պահպանման» հիմնադրամի միջոցներով իրականացվել է Քարագլուխ և Չառիթափ համայնքներում փողոցային լուսավորության կառուցման աշխատանքներ – ընդամենը 20.4 մլն. դրամ:
7. Մասնավոր ներդրումները 2017թ. առաջին կիսամյակում կազմում է 1038.52 մլն. դրամ:

Ճարտարապետության բնագավառ

2017թ. առաջին կիսամյակին հիմք ընդունելով ՀՀ փոխվարչապետը տարածքային կառավարման նախարարի 2013թ. դեկտեմբերի 19-ի N 12-ն և ՀՀ քաղաքաշինության նախարարի 2013թ. դեկտեմբերի 4-ի N 371-ն համատեղ հրամանը վարչական հսկողություն է իրականացվել մարզի Եղեգնաձոր քաղաքում և Վերնաշեն, Գետափ, Քարագլուխ, Հորս գյուղական համայնքներում:

Աշխատանք է տարվել միջպետական և հանրապետական նշանակության ճանապարհների հարակից տարածքներում գտնվող շինությունների լիարժեք ուսումնասիրմանը և խոչնդոտ առաջացնող շինությունների վերացման ուղղությամբ:

Համաձայնություն է տրվել ՀՀ կառավարության թվով 3 որոշումների մեջ լրացումներ կատարելու վերաբերյալ առաջարկություններին և թվով 6 որոշման նախագծերին:

Նշված ժամանակահատվածում առաջարկություն է ներկայացվել ՀՀ կառավարությանը առընթեր քաղաքաշինական պետական կոմիտե Եղեգնաձոր, Ջերմուկ քաղաքների և Արենի գյուղական համայնքի գլխավոր հատակագծերում փոփոխություն կատարելու վերաբերյալ, որոնք հաստատվել են:

Բացատրական աշխատանքներ են տարվել մարզում շինթույլտվությունների տրամադրման էլեկտրոնային համակարգի գործարկման վերաբերյալ և համայնքներից ընդունվել են թվով 21 շինթույլտվություն:

Մարզի համայնքներին պարբերաբար տեղեկացվել է քաղաքաշինության բնագավառում օրենսդրական ակտերում կատարված փոփոխությունների մասին և ուսումնասիրվել է քաղաքաշինության բնագավառում համայնքներում կայացված որոշումների համապատասխանությունը ՀՀ օրենսդրությանը:

Ուսումնասիրվել և պատասխանվել է առաջին կիսամյակում համայնքներից ստացած բոլոր դիմում բողոքները և պարզաբանում է տրվել քաղաքաշինության բնագավառին առնչվող խնդիրներին:

Ջրամատակարարման, ջրհեռացման և կոմունալ տնտեսության բնագավառ

2017թ-ի առաջին կիսամյակում շարունակվել է ՀՀ կառավարությանն առընթեր «Գյուղական տարածքների տնտեսական զարգացման ծրագրերի իրականացման գրասենյակ» ՊՀ-ի հետ համագործակցությունը, որի արդյունքում ավարտվել է Ազատեկ համայնքի խմելու ջրի արտաքին և ներքին ցանցերի վերանորոգման աշխատանքները :

Ուսումնասիրվել և քննարկվել է ՀՀ առողջապահության նախարարության կողմից բնակչությանը տրվող խմելու ջրի որակի մոնիթորինգի արդյունքները: Առաջարկվել է համայնքի ղեկավարներին անկանխատեսելի հետևանքներից խուսափելու համար պայմանագրեր կնքել ՀՀ առողջապահության նախարարության հիվանդությունների վերահսկման և կանխարգելման ազգային կենտրոն ՊՈԱԿ Վայոց ձորի մասնաճյուղի հետ, որի արդյունքում 2017թ-ի առաջին կիսամյակում մարզում խմելու ջրի հետ կապված բռնկումներ չեն արձանագրվել:

Վայոց ձորի մարզը ունի 29 համայնք: Խոշորացված 3 համայնքներում գազաֆիկացված է 9 բնակավայր, իսկ Եղեգնաձորի տարածաշրջանում 8 համայնք: Այս բնագավառում առաջնահերթությունը մնում է չգազաֆիկացված համայնքերի և բնակավայրերի գազաֆիկացումը: Գազաֆիկացման առկայությունը կնպաստի անտառների, էկոլոգիայի և դրանից բխող պոռբլեմների լուծմանը: Իրան Հայաստան գազամուղի շինարարության արդյունքում հնարավորություն է ստեղծվել հարակից գյուղերի գազաֆիկացման աշխատանքներն իրականացնելու համար:

«Գազպրոմ Արմենիա» ՓԲԸ-ի կողմից բաժանորդների թիվը 2017թ.-ի առաջին կիսամյակում ավելացել է 74-ով, որից 9 բազմաբնակարան շենքերի բնակարաններն են, իսկ 65 անհատական տներ: Անվտանգության ապահովման համար տեղադրվել է 74 անվտանգության համակարգ:

Մարզի 29 համայնքների ղեկավարների հետ համագործակցելով հավաքագրվել են համայնքներում առկա հիմնախնդիրները, որոնք պարբերաբար թարմացվում են:

ՀՀ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԱՇԽԱՏԱԿԱԶՄԻ

ՔԱՂԱՔԱՇԻՆՈՒԹՅԱՆ ՎԱՐՉՈՒԹՅԱՆ ՊԵՏ՝

Ա. ՀՈՎՍԵՓՅԱՆ